

# АМЕРИКА ҚҰРАМА ШТАТТАРЫНЫҢ ЕЛШІЛІГІ

мкр. Ак Булак-4  
кк. 23-22, үй. 3  
Астана 010010  
Қазақстан

Тел.: 7 (7172) 70-21-00  
Факс: 7 (7172) 34-08-90  
E-mail: [info@usembassy.kz](mailto:info@usembassy.kz)  
Web site: <http://kazakhstan.usembassy.gov>

Елшіліктің Алматы қ-ғы өкілдігі  
Жолдасбеков к-сі, 97  
Баспасөз бен мәдениет бөлімінің тел:  
7 (727) 250-76-12  
Факс: 7 (727) 250-48-67

30 қыркүйек, 2009 жыл

## АҚШ-ТЫҢ ҚАЗАҚСТАНДАҒЫ ЕЛШІСІ РИЧАРД ХОУГЛАНДТЫҢ ЕУРАЗИЯ ҚОРЫ ҰЙЫМДАСТЫРҒАН ЭКОТУРИЗМ ЖОБАСЫНЫҢ ЖАБЫЛУ САЛТАНАТЫНДА СӨЙЛЕГЕН СӨЗІ

«Интерконтиненталь» қонақүйі, Астана қаласы  
Сәрсенбі, Қыркүйектің 30-ы

Көп рахмет! Қайырлы таң, ханымдар мен мырзалар!

Бүгінгі отырысқа қатысу бақытына ие болғаныма қуанышытымын. Бұл кездесу бізге Қазақстанның даму және өркендеу жолыменқалай жүріп келе жатқанынан хабардар болуға мүмкіндік береді. Орталық Азия Еуразия Қоры жүзеге асырған «Қазақстанда экотуризмді дамыту бастамасы» жобасы - қоғам мен жеке тұлғалар арасындағы әріптестіктің жарқын көрінісі. Бұған АҚШ үкіметі, жергілікті үкіметтік емес ұйымдар, АҚШ-тың ірі корпорациясы, Қазақстанның Спорт және туризм министрлігі, жергілікті қауымдастықтар мен саяхат компаниялары ат салысып отыр.

АҚШ үкіметі ЮСАИД арқылы бұл бастаманы қаржыландыруға 125 мың АҚШ долларын бөлді. Бұдан да қомақты қаражат - 300 мың АҚШ долларын америкалық «ExxonMobil – Қазақстан» корпорациясы бөлді, бұл мәрттігі үшін оларға шын жүректен алғысымызды білдіреміз.

Экотуризм – тұрақты экономикалық дамудың керемет көрсеткіші. Бұл ауылдық жерлерде сапалы жұмыс орындарын ашуға, табиғатты қорғау мекемелерін ынталандыруға ықпал етеді және қазақстандықтарға табиғат туралы білім беріп, туристердің төлейтін қаржысын Қазақстанның өз ішінде қалдыруға жәрдемдеседі.

2004 жылдан бері бұл бастама Қазақстанда 11 эоорталық ашуға мүмкіндік берді және бесеуі жақын арада ашылмақ. Өткен бес жыл ішінде қоғаммен тығыз байланыстағы туристік топтар 15 мың саяхатшыға қызмет көрсетіп, 60 миллион теңге табыс түсірді. Тапқан табысының бір бөлігін олар жергілікті жердің табиғатын қорғау мақсаттарына жұмсады.

Мұнымен қоса, 2005 жылы Орталық Азия Еуразия қоры Алматыда Қазақстан Туризм бірлестігінің аясында жұмыс істейтін Экотуризм Ақпараттық және ресурстық орталығын ашуға көмек көрсетті. Бұл орталық эоорталықтарға маркетингтік және кеңес беру қызметтерін көрсетіп, Қазақстанда ішкі туризмді дамытуды насихаттаумен айналысады.

АҚШ-тың Флорида университетімен бірлесе отырып Орталық Азия Еуразия қоры Астанадағы «Тұран» университетінде экотуризм менеджменті мамандығы бойынша мамандар дайындауды жолға қойды және туризм менеджерлері үшін басқарушылық тренинг курстарын ашты. Бұл бағдарламалар осы саланы білім деңгейі жоғары кәсіби мамандармен қамтамасыз етуге мүмкіндік беріп, оның қарқынды дамуына деген сенімді күшейтті.

Біздің екі ел арасындағы осы әріптестік сіздердің елде тұрақты жұмыс орындарын ашып, оның туризм мүмкіндіктерін арттыруға және табиғатын қорғауға елеулі үлес қосқанына қуаныштымын. Бұл – шын мәнінде үлкен жетістік, сіздерді осы жетістіктеріңізбен шын жүректен құттықтаймын және алғыс айтамын.

###